

ղեսցի յիս, ոչլ առաւել եւս հաստատեսցի 'ի հաւատս փառաւորելով զԱստուած » :

Ոչ սնտի պատճառանօք և ոչ տղայական մտօք ելաք յայտի . մեծախորհուրդ խոհեմութեամբ մտաբերեա եւ մի մեղանչեր մեղադրելով ինձ . 'ի մէջ երկասյրի սրոյ եթող զիս որ եթողն, ևւ յետ ոչ բազմաց ինչ աւուրց տարածամ մահուամբ երեւէր ինձ ելանել յաշխարհէ, յորմէ փնաս մեծ ազգին և Աթոռոյն : Լաւ չլինէր 'ի գնալոյ իմ 'ի Կոստանդինուպօլիս . զի քանի մի անձանց կամ տունն բնակութեան եւ կամ հոգւոյն : Ինձ արարի և ոչ այլոց՝ զոր արարի : Եւ ապա գանկատ զԵղիա կախկոպոսէ : Զկախկոպոսական Թագն և զՎակասն եթող յԱթոռն 'ի յիշատակ հոգւոյ Զմիւռնացի հանգուցեալ էքիզեան Յարութիւն Աղայի :

Գարձեալ խնդիր դրամոց ('ի 23 Ապրիլի), և 'ի սմին մեղադրէ զԿիրակոս կախկոպոս, իբրև Սորհրդական դըրագիր, որ յառաջագոյն ինքն էր, « Արժան էր և ձեզ զայլ իմն վկայել ընդ Ս . Գահակալին և Տ . Եղիայի, որ դրողն էիր դրոյն . այլ է բարեկամութիւն, ազգականութիւն, ընկերութիւն և եղբայրութիւն, և այլ է ըստ իրաւանց վկայութիւն կամ դատողութիւն . Թէպէտ և դու բարկացեալ ես և խռովեալ յինէն, բայց դարձեալ հաշտեսցիս և ուրախ լիցիս ընդ արարս իմ, զոր ոչ վայրապար արարի . եղև, որ եղևն » : Միթէ իրաւո՞ւնք են միոյ հօր որդւոց ոմանց յղիանալ հարիւրաւորօք և ոմանց անինչ ելանել, մեք եթէ չիցեմք տէր 10,000 դահեկանի, միւսոյն ուստի՞ են այնքան քսակք . եթէ կարելի է աղաչեմք յօր յառաջ զձայնս մեր կտրել վճարելով զտասն հազարն ցՅուլիս վերջ, յետ այնորիկ եւ ձայնք մեր հանտանին յականջաց ձերոց (յ3 Յուլիսի) :

Թէպէտ արարք մեր խոչ երեւին ազգին, մանաւանդ ծանօթից և սրտակից եղբարց եւ կարեւոր բարեկամաց, այլ նոքին ըստ իրեանց կամաց միայն դատեն, Յունացն դեգերելով . զհաւատ Երրորդութեան, զեկեղեցի, զկրօն, զկարգ չեմ ուրացեալ և ոչ 'ի Ֆրանկութիւն փոխարկեալ, բայց եթէ զգլխահարկի թուղթն 'ի ֆաթենիայ փոխարկեալ, և զսեւազգեստութիւնն 'ի սայծառս, եւ զպաշտօն